

古诗梅花

1.
探梅冒雨兴还生，石径铿然杖有声。云影花光乍吞吐，松涛岩溜互喧争。
韵宜禅榻闲中领，幽爱园扉破处行。望去茫茫香雪海，吾家山畔好题名。
——宋萃《雨中元墓探梅》

2.
面面青山面面佳，人间何处觅仙家。身閒尽日无多事，天与双泉灌万花。
自在枕边啼谷鸟，逍遥亭子落烟霞。我来未敢挥狂笔，坐看冬梅到日斜。
——林光《访庄定山先生》

3.
玉井无声户已扃，一庭霜月冷如凝。谁怜寂寞书窗下，冻影梅花伴夜灯。
——毛氏《冬夜》

4.
从来不见梅花谱，信手拈来自有神。不信试看千万树，东风吹着便成春。
——徐渭《题画梅》

5.
东风一纸平安信，闻道黄岗春已来。传语吴生好看客，梅花应似去年开。
——赵鼎《建康得家书寄元长观梅诗因次其韵》

6.
惹得西湖处士疑，如何颜色到鹅儿？清香全与江梅似，只欠横斜照水枝。
——吴永斋《腊梅》

7.
寒塘数树梅，常近腊前开。雪映缘岩竹，香侵泛水苔。遥思清景暮，还

有野禽来。谁是攀枝客，兹辰醉始回。——李德裕《忆平泉杂咏·忆寒梅》

8.
梅雪争春未肯降，骚人阁笔费评章。梅须逊雪三分白，雪却输梅一段香。
。——卢梅坡《雪梅二首·其一》

9.
衰病难禁月色寒，何人更倚雪中栏。少年妙事今浑忘，折得梅花涉阁看。
。——舒岳祥《冬夜雪月交光忆少年见此烧烛观梅为之怅绝》

10.
姹紫嫣红耻效颦，独从未路见精神。溪山深处苍崖下，数点开来不借春。
。——宁调元《早梅》

11.
不随梅竞白，迎腊吐芳菲。于道色唯正，先春气不违。暗香闻静夜，幽室发清机。
意趣忘言说，寒窗对月晖。——戴亨《瓶中腊梅》

12.
黄宫暖律暗相催，腊后春前见蜡梅。青帝不知无蝶至，黄华先赏有蜂来。
。风飘嫩蕊添莺羽，雪驾寒香入酒杯。尽道此花居第一，如何更有百花开。
。——张舜民《和陈宪车蜡梅》

13.
闻君寺后野梅发，香蜜染成宫样黄。不拟折来遮老眼，欲知春色到池塘。
。——黄庭坚《从张仲谋乞腊梅》

14.
玉骨那愁瘴雾，冰姿自有仙风。海仙时遣探芳丛。倒挂绿毛么凤。素面翻嫌粉涴，
。洗妆不褪唇红。高情已逐晓云空。不与梨花同梦。——苏轼《西江月·梅花》

15.

暗香横路雪垂垂。晚风吹。晓风吹。花意争春，先出岁寒枝。毕竟一年春事了，缘太早，却成迟。未应全是雪霜姿。欲开时。未开时。粉面朱唇，一半点胭脂。醉里谤花花莫恨，浑冷淡，有谁知。——辛弃疾《江神子·赋梅寄余叔良》

16.

晓风吹起雪漫漫，来兆丰年喜有端。玉树琼枝无限好，雪窗高阁不胜寒。直疑天上梅花落，莫作人间柳絮看。我欲乘风游汗漫，倚栏空自羡飞翰。——楼钥《喜雪》

17.

越岭仙姿回异常，洞庭春染六铢裳。枝横碧玉天然瘦，蕾破黄金分外香。笑被素英浑淡抹，却嫌红艳太浓妆。临风岂此蔷薇露，醉墨淋漓寄渺茫。——耶律楚材《蜡梅》

18.

一树寒梅白玉条，迥临村路傍溪桥。不知近水花先发，疑是经冬雪未消。——张谓《早梅》

19.

吾家洗砚池头树，个个花开淡墨痕。不要人夸好颜色，只留清气满乾坤。——王冕《墨梅》

20.

一枝独放未蒙尘，清秀幽香铁骨身。含笑为谁迎雨雪，清姿丽影一佳人。——曾瑞龙《冬梅》

21.

翠岩千尺倚溪斜，曾得严光作钓家。越嶂远分丁字水，腊梅迟见二年花。明时刀尺君须用，幽处田园我有涯。一壑风烟阳羨里，解龟休去路非赊。——杜牧《正初奉酬歙州刺史邢群》

22.

小阁藏春，闲窗锁昼，画堂无限深幽。篆香烧尽，日影下帘钩。手种江

梅渐好，又何必、临水登楼。无人到，寂寥浑似，何逊在扬州。从来，知韵胜，难堪雨藉，不耐风揉。更谁家横笛，吹动浓愁。莫恨香消雪减，须信道、扫迹情留。难言处，良宵淡月，疏影尚风流。——李清照《满庭芳·小阁藏春》

23.

榾柮烟消纸帐温，梅花雪影共黄昏。兴来我欲閒相访，分付奚童莫掩门。——何塘《梅雪卷二首·其一》

24.

天向梅梢别出奇，国香未许世人知。殷勤滴蜡缄封却，偷被霜风拆一枝。——杨万里《腊梅》

25.

梅雪争春未肯降，骚人阁笔费平章。梅须逊雪三分白，雪却输梅一段香。——卢梅坡《梅花》

26.

不受尘埃半点侵，竹篱茅舍自甘心。只因误识林和靖，惹得诗人说到今。——王琪《梅》

27.

年年雪里，常插梅花醉。授尽梅花无好意，赢得满衣清泪。——李清照《清平乐·年年雪里》

28.

皓态孤芳压俗姿，不堪复写拂云枝。从来万事嫌高格，莫怪梅花着地垂。——徐渭《王元章倒枝画梅》

29.

和风细雨点苍纹，漠漠残香静里闻。林下积来全似雪，岭头飞去半为云。不须横管吹江郭，最惜空枝冷夕曛。回首孤山山下路，霜禽粉蝶任纷纷。——律然《落梅》

30.

一屋白云无锁钥，酒酣要摘梅花嚼。相逢石鼎老弥明，吟罢松梢月欲落。
。——吴龙翰《冬夜》

31.

卧疴半月不曾来，等胆来时渐次开。世外交情无久近，岁寒然后始知梅。
。——方岳《观梅》

32.

今年海角天涯，萧萧两鬓生华。看取晚来风势，故应难看梅花。——李
清照《清平乐·年年雪里》

33.

长垂月帔别天阶，翦作金钟应律灰。世上语言无入处，好从天上觅诗来。
。——王洋《郑顾道惠腊梅二首》

34.

浮玉飞琼，向邃馆静轩，倍增清绝。夜窗垂练，何用交光明月。近闻道、
官阁多梅，趁暗香未远，冻蕊初发。倩谁摘取，寄赠情人桃叶。回文近传锦字，
道为君瘦损，是人都说。祇知染红著手，胶梳黏发。转思量、镇长堕睫。都只
为、情深意切。欲报消息，无一句、堪愈愁结。——周邦彦《三部乐·商调梅雪》

35.

一枝开异域，独秀殿群芳。栝额黄添晕，檀心蜜作香。折应伤岁暮，力
欲挽春阳。待共梅花笑，先期耐雪霜。——查慎行《腊梅和中丞公韵》

36.

雪里逢梅近腊时，梅姿雪态两相宜。羨君此处留清赏，看遍溪头南北枝。
。——宋祁《雪里寻梅》

37.

霜梅先拆岭头枝，万卉千花冻不知。留得和羹滋味在，任他风雪苦相欺。
。——李九龄《寒梅词》

38.

小院栽梅一两行，画空疏影满衣裳。冰华化雪月添白，一日东风一日香。
。——汪士慎《题梅花》

39.

园林摇落独芬芳，未让江梅雪里香。还恐人嫌梅太白，故来枝上尽涂黄。
。——吴芾《蜡梅·其一》

40.

品格天生迥不群，寒梅腊底异香薰。菊花仅有霜能傲，一片冰心让此君。
。——张洵佳《院中腊梅盛开芬芳满院口占》

41.

寒柳翠添微雨重，腊梅香绽细枝多。平津万一言卑散，莫忘高松寄女萝。
。——薛逢《奉和仆射相公》

42.

雪中梅下与谁期，梅雪相兼一万枝。若是石城无艇子，莫愁还自有愁时。
。——李商隐《莫愁》

43.

池边新栽七株梅，欲到花时点检来。莫怕长洲桃李嫉，今年好为使君开。
。——白居易《新栽梅》

44.

梅蕊腊前破，梅花年后多。绝知春意好，最奈客愁何。雪树元同色，江风亦自波。故园不可见，巫岫郁嵯峨。
。——杜甫《江梅》

45.

梅落繁枝千万片，犹自多情，学雪随风转。昨夜笙歌容易散，酒醒添得愁无限。楼上春山寒四面，过尽征鸿，暮景烟深浅。一晌凭栏人不见，鲛绡掩泪思量遍。
。——冯延巳《鹊踏枝·梅落繁枝千万片》

46.

孤芳移种自仙家，故着轻黄映日华。举世但知梅蕊白，不知还有蜡梅花。
。——潘良贵《蜡梅·其一》

47.

冰雪林中著此身，不同桃李混芳尘。忽然一夜清香发，散作乾坤万里春。
。——王冕《白梅》

48.

梅花屡见笔如神，松竹宁知更逼真。百卉千花皆面友，岁寒只见此三人。
。——楼钥《题杨补之画》

49.

天向梅梢别出厅，国香未许世人知。殷勤滴蜡缄封却，偷被霜风折一枝。
。——杨万里《蜡梅》

50.

摇荡春风媚春日，念尔零落逐风飏，徒有霜华无霜质。——鲍照《梅花落·中庭多杂树》

51.

笔端造化出天巧，写出江南雪压枝。谁道春归无觅处，横斜全似越溪时。
。——曾觌《题杨补之雪梅图》

52.

闻道梅花坼晓风，雪堆遍满四山中。何方可化身千亿，一树梅花一放翁。
。——陆游《梅花》

53.

水晶欲刻鸳鸯翅，金粉私裁蛱蝶衣。记得小楼熏被夜，梦回宫烛照横枝。
。——曾习经《腊梅诗》

54.

人绕湘皋月坠时。斜横花树小，浸愁漪。一春幽事有谁知？东风冷，香远茜裙归。鸥去昔游非。遥怜花可可，梦依依。九疑云杳断魂啼。相思

血，都沁绿筠枝。——姜夔《小重山令·赋潭州红梅》

55.

冉冉寒香渡水涯，溪南溪北影横斜。含情最耐风霜苦，不作人间第二花。
——罗泽南《题寒梅图》

56.

白梅懒赋赋红梅，逞艳先迎醉眼开。冻脸有痕皆是血，酸心无恨亦成灰。
误吞丹药移真骨，偷下瑶池脱旧胎。江北江南春灿烂，寄言蜂蝶漫疑猜。
——曹雪芹《咏红梅花得“梅”字》

57.

奇香异色著林端，百十年来忽兴阑。尽把精华收拾去，止留骨格与人看。
——吴淇《枯梅》

58.

马趁香微路远，沙笼月淡烟斜。渡波清彻映妍华。倒绿枝寒凤挂。挂凤
寒枝绿倒，华妍映彻清波。渡斜烟淡月笼沙。远路微香趁马。——苏轼
《西江月·咏梅》

59.

粉墙低，梅花照眼，依然旧风味。露痕轻缀。疑净洗铅华，无限佳丽。
去年胜赏曾孤倚。冰盘同宴喜。更可惜，雪中高树，香篝熏素被。今年
对花最匆匆，相逢似有恨，依依愁悴。吟望久，青苔上、旋看飞坠。相
将见、脆丸荐酒，人正在、空江烟浪里。但梦想、一枝潇洒，黄昏斜照
水。——周邦彦《花犯·小石梅花》

60.

有梅无雪不精神，有雪无诗俗了人。薄暮诗成天又雪，与梅并作十分春。
——方岳《梅花十绝·其九》

61.

梅蕊腊前破，梅花年后多。绝知春意好，最奈客愁何？雪树元同色，江
风亦自波。故园不可见，巫岫郁嵯峨。——杜甫《江梅》

62.

冬至至后日初长，远在剑南思洛阳。青袍白马有何意，金谷铜驼非故乡。梅花欲开不自觉，棣萼一别永相望。愁极本凭诗遣兴，诗成吟咏转凄凉。——杜甫《至后》

63.

梅雪争春未肯降，骚人阁笔费评章。梅须逊雪三分白，雪却输梅一段香。——卢梅坡《雪梅》

64.

画师不作粉脂面，却恐傍人嫌我直。相逢莫道不相识，夏馥从来琢玉人。——赵秉文《墨梅》

65.

卧云庄上残花笑，香似早梅开不迟。浅色春衫弄风日，遣来当为作新诗。——黄庭坚《短韵奉乞腊梅》

66.

小阁明窗半掩门，看书作睡正昏昏。无端却被梅花恼，特地吹香破梦魂。——杨万里《钓雪舟倦睡》

67.

知访寒梅过野塘，久留金勒为回肠。谢郎衣袖初翻雪，荀令熏炉更换香。何处拂胸资蝶粉，几时涂额藉蜂黄。维摩一室虽多病，亦要天花作道场。——李商隐《酬崔八早梅有赠兼示之作》

68.

一夜相思，水边清浅横枝瘦。小窗如昼，情共香俱透。清入梦魂，千里人长久。君知否？雨孱云愁，格调还依旧。——陈亮《点绛唇·咏梅月》

69.

别来春半，触目柔肠断。砌下落梅如雪乱，拂了一身还满。雁来音信无凭，路遥归梦难成。离恨恰如春草，更行更远还生。——李煜《清平乐》

》

70.

湘妃危立冻蛟背，海月冷挂珊瑚枝。丑怪惊人能妩媚，断魂只有晓寒知。
——萧德藻《古梅》

71.

雪里已知春信至，寒梅点缀琼枝腻，香脸半开娇旖旎。当庭际，玉人浴出新妆洗。造化可能偏有意，故教明月玲珑地，共赏金尊沈绿蚁。莫辞醉，此花不与群花比。——李清照《渔家傲·雪里已知春信至》

72.

苏老堤边玉一林，六桥风月是知音。任他桃李争欢赏，不为繁华易素心。
——冯子振《西湖梅》

73.

犯雪寻梅雪满衣，池边梅映竹边池。要寻疏影横斜底，拣尽南枝与北枝。
——杨万里《雪中看梅》

74.

梦里清江醉墨香，蕊寒枝瘦凛冰霜。如今白黑浑休问，且作人间时世妆。
——朱熹《墨梅》

75.

去年雪欺客，平地一尺深。谢遣东阁花，那雇西床琴。故人初不知，屋侧乃见寻。悠然振永起，谁复明此心。——朱槔《雪梅》

76.

梅雪争春未肯降，骚人搁笔费评章。梅须逊雪三分白，雪却输梅一段香。
——卢梅坡《雪梅》

77.

昨夜东风转斗杓，陌头杨柳雪才消。晓来一树如繁杏，开向孤村隔小桥。
应是化工嫌粉瘦，故将颜色助花娇。青枝绿叶何须辨，万卉丛中夺锦

标。——元淮《立春日赏红梅之作》

78.

新叶初冉冉，初蕊新霏霏。逢君后园讌，相随巧笑归。亲劳君玉指，摘以赠南威。用持插云髻，翡翠比光辉。日暮长零落，君恩不可追。——谢朓《咏落梅》

79.

酒未开樽句未裁，寻春问腊到蓬莱。不求大士瓶中露，为乞孀娥槛外梅。入世冷挑红雪去，离尘香割紫云来。槎枒谁惜诗肩瘦，衣上犹沾佛院苔。——曹雪芹《访妙玉乞红梅》

80.

东阁官梅动诗兴，还如何逊在扬州。此时对雪遥相忆，送客逢春可自由？幸不折来伤岁暮，若为看去乱乡愁。江边一树垂垂发，朝夕催人自白头。——杜甫《和裴迪登蜀州东亭送客逢早梅相忆见寄》

81.

寒水一瓶春数枝，清香不减小溪时。横斜竹底无人见，莫与微云淡月知。——张道洽《瓶梅》

82.

雪似梅花，梅花似雪。似和不似都奇绝。恼人风味阿谁知？请君问取南楼月。记得去年，探梅时节。老来旧事无人说。为谁醉倒为谁醒？到今犹恨轻离别。——吕本中《踏莎行》

本文链接：<https://duanjuziku.com/duanjuzi/nedntge3i1.html>